

## Proceso selectivo para o ingreso no grupo I de persoal laboral fixo da Fundación Galicia Europa

### Criterios de valoración da fase de oposición

#### A. Cuestións recollidas na convocatoria<sup>1</sup>

##### Primeiro exercicio

Consistirá en contestar por escrito un questionario de cincuenta (50) preguntas tipo test, relacionado co anexo II do programa. As preguntas terán catro (4) respostas alternativas propostas polo tribunal, das que só unha delas será a correcta.

O exercicio dividirase en dúas partes:

- A primeira parte consistirá en contestar por escrito un questionario de contido teórico de dez (10) preguntas da parte xeral. O exercicio disporá de dúas (2) preguntas de reserva. Nesta primeira parte será necesario obter un mínimo de catro (4) respostas correctas.
- A segunda parte consistirá en contestar por escrito un questionario de contido teórico de corenta (40) preguntas da parte específica. O exercicio disporá de catro (4) preguntas de reserva. Nesta segunda parte será necesario obter un mínimo de quince (15) respostas correctas.

Cada resposta correcta equivale a un punto. As respostas en branco non penalizan nin puntúan. As respostas incorrectas descontarán 0,25 puntos.

As preguntas adicionais de reserva serán valoradas só no caso de que se anule algunha das preguntas do exercicio.

O tempo máximo de duración deste exercicio será de noventa minutos (90) minutos.

O tribunal adoptará as medidas oportunas para garantir que os exercicios tipo test da fase de oposición sexan corrixidos sen que se coñeza a identidade dos/as aspirantes. Cando finalicen os exercicios tipo test entregarase a cada aspirante a folla autocopiativa do seu exame.

Publicarase o contido do exercicio e as respostas correctas no portal web corporativo [fundaciongaliciaeuropa.eu](http://fundaciongaliciaeuropa.eu).

---

<sup>1</sup> Apartados II.1.1 e II.1.2.10 das bases aprobadas mediante Resolución do 16 de marzo. Anuncio DOG núm.55, do 24 de marzo de 2026

O exercicio cualificarase de 0 a 50 puntos, resultante da suma de ambas as partes. Superarán este exercicio as dez (10) persoas aspirantes que teñan mellor puntuación, sempre que se supere o mínimo de 4 e 15 puntos establecidos para cada parte.

### **Segundo exercicio**

Consistirá na realización dun **caso práctico** (a elixir entre dúas opcións), con 4 preguntas sobre os contidos da parte específica do temario. O exercicio disporá dunha (1) pregunta de reserva.

O tempo máximo de duración deste exercicio será de cento vinte (120) minutos.

O exercicio cualificarase de 0 a 40 puntos. Cada pregunta terá un valor máximo de dez (10) puntos e para superalo será necesario obter un mínimo de vinte (20) puntos.

A pregunta adicional de reserva será valorada só no caso de que se anule algunha das preguntas do exercicio.

O tribunal cualificará este exercicio valorando os coñecementos, a claridade, a orde de ideas, rigor analítico e calidade da expresión escrita.

### **Proba de coñecemento da lingua galega.**

A proba será obrigatoria e eliminatoria para as persoas aspirantes que non acrediten estar en posesión ou en condicións de obter o día da publicación do anuncio da convocatoria no portal web corporativo da Fundación Galicia Europa o nivel de coñecemento da lingua galega Celga 4.

A proba consistirá na contestación por escrito dun questionario de sesenta (60) preguntas tipo test, con catro (4) respostas alternativas das cales só unha (1) delas será a correcta, máis tres (3) de reserva, mediante o cal se evidencie o coñecemento da lingua galega.

O exercicio terá unha duración de sesenta (60) minutos.

O cuestionario deberá obrigatoriamente recoller contidos relacionados cos niveis funcionais da lingua: léxico, sintáctico e gramatical, correspondentes ao nivel do Celga 4 requirido no proceso selectivo.

As preguntas adicionais de reserva serán valoradas só no caso de que se anule algunha das preguntas do exercicio.

Este exercicio valorarase como apto ou non apto e será necesario para superalo obter o resultado de apto. Corresponderá á comisión de selección determinar o número de respostas correctas esixido para conseguir o resultado de apto.

Ao cabo da proba cada persoa aspirante poderá obter copia das súas respostas.

No prazo das vinte e catro (24) horas seguintes publicaranse o contido do exercicio e as respostas correctas no portal web da Fundación Galicia Europa (<http://www.fundaciongaliciaeuropa.eu/>).

## B. Decisión do Tribunal

En sesión que tivo lugar o xoves 28 de maio de 2026, o tribunal nomeado por Resolución do presidente do Padroado da FGE do 4 de maio de 2026, acordou, de conformidade co disposto nas bases II.1.1, desenvolver e especificar os criterios de valoración e cualificación dos exercicios como segue:

### Segundo exercicio: caso práctico

A valoración dos exercicios realizarase conforme aos seguintes criterios:

- **Coñecementos.** Valorarase o grao de dominio dos contidos esixidos no caso práctico, así como a precisión conceptual e a adecuación das respostas ao marco institucional e material obxecto da proba. Ponderación: 30%
- **Rigor analítico.** Valorarase a capacidade para identificar os aspectos relevantes do suposto, relacionar conceptos, distinguir problemas e formular conclusións fundamentadas. Ponderación: 30%
- **Claridade.** Valorarase a capacidade para expor as ideas con precisión, orde e concisión, de maneira que a resposta resulte plenamente comprensible. Ponderación: 15%
- **Orde das ideas.** Valorarase a estrutura lóxica da resposta, a secuencia do discurso e a correcta organización dos distintos apartados ou argumentos. Ponderación: 15%
- **Calidade da expresión escrita.** Valorarase a corrección gramatical, ortográfica e sintáctica, así como o emprego dun rexistro formal, preciso e adecuado á natureza da proba. Ponderación: 10%

### Proba de coñecemento da lingua galega

1. As respostas correctas valen un punto. As respostas en branco non penalizan nin puntúan. As respostas incorrectas descontarán 0,25 puntos.
2. Para ter a calificación de APTO será preciso acadar 30 puntos.